



Kommunar, fylkeskommune, universitet, fagskole i Vestfold og Telemark

Sakshandsamar, innvalstelefon  
Ellen Bang Andersen, 35 58 63 42

## Utlysning av kommunalt kompetanse- og innovasjonstilskot 2021

Tilskot til kompetanseheving og innovasjon for å stimulere kommunane til å møte framtidens utfordringar på helse- og omsorgsfeltet med berekraftige og gode tiltak og tenester.

### Søknadsfrist: 1. april 2021

#### Kven kan søkje:

Kommunar og fylkeskommune kan søkje om tilskotsmidlar til kompetansetiltak, opplæring knytt til brukarstyrt personleg assistanse (BPA) og innovasjonsprosjekt.

Kommunar kan gjerne søkje i samarbeid med andre kommunar, helseføretak, næringsliv, frivillig sektor eller andre aktørar.

Høgskular og universitet kan søkje om midlar til etablering av desentraliserte utdanningar, digitale plattformer eller andre utdanningstilbod til personell i kommunar med lang reiseavstand til utdanningsinstitusjon.

#### Beløp som skal fordelast i Vestfold og Telemark fylke: 29 644 000.

Statsbudsjettreferanse: kapittel 761, post 68, Kompetanse og innovasjon, Helse- og omsorgsdepartementet. Det er løyvd 416,6 millionar kroner i 2021 der 372,4 millionar kroner går til kommunalt kompetanse- og innovasjonstilskot.

#### Føremålet med tilskotsordninga

Tilskotet er eit sentralt verkemiddel for gjennomføringa av Kompetanseløft 2025. Føremålet med tilskotsordninga er å styrke kommunane sine evner og høve til å utvikle berekraftige og gode helse- og omsorgstenester, og gje tydeleg prioritet til nokre av dei viktigaste framtid utfordringane kommunane har på helse- og omsorgsfeltet.

#### Nytt overordna prioriteringskrav

Kommunar som omstiller seg i tråd med *Leve heile livet-reforma* vil verte prioritert.

Vi syner her til rundskriv «Informasjon til kommunene om kriterier for å bli prioritert i tilskuddsordninger knyttet til Leve hele livet av 09.01.2021», sjå nettsida vår.



Dette prioriteringskravet gjeld ikkje tilskot til utdanningsløp som alt er i gang, eller tilskot som er øyremerka til velferdsteknologi.

### Andre prioriteringar i 2021

- *Kompetansetiltak (grunn-, vidare- og etterutdanningar)*

Vidareutdanning av sjukepleiarar og andre høgskuleutdanna faggrupper vert prioritert, mellom anna vidareutdanning innan ernæring og palliasjon.

Grunn-, etter- og vidareutdanning av tilsette- og kompetansetiltak om rus og psykisk helse vert også prioritert. Tilskotet omfattar også rettleiingstenester i samband med spesialisering av psykologar i den kommunale helse- og omsorgstenesta.

Tilskot til korte interne opplæringstiltak, kurs, seminar og liknande vert prioritert i mindre grad. Unntak er statlege satsingar som til dømes ABC- opplæringsprogram og liknande.

I tråd med krav i *Forskrift om kvalitet og ledelse* skal leiinga i kommunane mellom anna vurdere behov for kompetanse blant tilsette for å kunne løyse oppgåvene i tenestene. Vi ber kommunane om å sende kompetanseplan i samband med søknad om kompetansetiltak frå tilskotsordninga.

Statsforvaltaren vil sjå tildelinga av tilskotsmidlar i samanheng med kommunanes arbeid med langsiktig og heilskapleg planlegging knytt til kapasitet, kompetanse og kvalitet i tenestene for å møte dei demografiske utfordringane i framtida, og at rekruttering og kompetanseplanlegging på helse- og omsorgsområdet er ein sentral del av kommunanes samfunnsplanarbeid.

- *Opplæring til brukarstyrt personleg assistanse (BPA)*

Tilskotet skal bidra til opplæring av arbeidsleiarar, assistentar og saksbehandlarar. Personar som ikkje tidlegare har fått opplæring bør prioriterast. Opplæringsbehov innan BPA må sjåast i samanheng med kommunen sin kompetanseplanlegging. Opplæring knytt til BPA er eit prioritert tiltak.

- *Innovasjonsprosjekt*

Innovasjonsprosjekta skal bidra til innovasjon og utvikling av nye metodar for førebygging og tidleg innsats, eigenmeistring, fritidsaktivitet med assistanse, kulturopplevingar, mat og måltidsfellesskap, ernæring, legemiddelhandtering, rehabilitering, habilitering og samspel med pårørande og frivillige i omsorgssektoren generelt og i demensomsorga spesielt. Tiltak som har innovasjonsfellesskap med næringsliv og/eller utdannings- og forskingsinstitusjonar skal ha eit fortrinn.

Innovasjons- og kompetansetilskotet vert sett i samanheng med Kommunal- og moderniseringsdepartementet sitt skjønntilskot, som også kan brukast til kommunal innovasjon og utvikling.

### Korleis søkje

Søknadsskjema som skal nyttas av alle som søker om tilskot, finn de på nettsida til Statsforvaltaren i Vestfold og Telemark. Der finn de også meir informasjon om ordninga.

Søknaden kan sendast til Statsforvaltarens e-postadresse: [sftpost@statsforvalteren.no](mailto:sftpost@statsforvalteren.no)

### Regelverk for tilskotsordninga



Regelverket for tilskotsordninga finn de på Statsforvaltaren og Helsedirektoratets nettside.

### **Rapportering på motteke tilskot i 2020**

Kommunane skal rapportere til Statsforvaltaren innan 1. april 2021 for midlar som vart tildelt i 2020. Rapporteringsskjemaene (eit world-dokument og to excel-skjema) og rettleiing til rapporteringa finn de under tilskotsordninga på Statsforvaltaren si nettside og som vedlegg til dette brevet. Rapport for tilskot til innovasjonsprosjekter skal sendast som eit tekstdokument.

Frist for rapportering av motteke tilskot for 2021 vil gå fram av tildelingsbrevet.

### **Overføring av ubrukne midlar til 2021**

Hovudregelen er at ubrukne midlar etter søknad kan overførast eitt år, altså frå 2020 til 2021. Som følge av koronasituasjonen kan Statsforvaltaren, etter søknad, vurdere vidare overføring til 2021 av tilskotsmidlar som alt er overført frå 2019 til bruk i 2020.

*Revisor kontroll (vilkår for tilskot):*

*Rekneskap skal reviderast av registrert revisor, statsautorisert revisor eller oppdragsansvarleg kommunerevisor (jf. § 11 i forskrift om revisjon i kommunar og fylkeskommunar) i samsvar med Den norske revisorforening sin standard ISA 805 "Særlige hensyn ved revisjon av enkeltstående regnskapsoppstillingar og spesifikke elementer, kontoer eller poster i en regnskapsoppstilling".*

Tilskotsmottakar må gje revisor ein kopi av tilskotsbrevet før revisor kontroll. Dersom tildelt tilskot er høgre enn kr 200 000 per år, men forbruket er mindre enn kr 200 000 per år, kan det leverast revisorstadfesting for to år om gongen.

Kravet om revisorstadfesting gjeld ikkje for samla tilskot mindre enn kr 200 000.

Med helsing

Merete Lohne (e.f.)  
fagsjef

Ellen Bang Andersen  
rådgjevar

*Dokumentet er elektronisk godkjent*

Vedlegg:

- 1 Søknadsskjema 2021
- 2 Vedlegg 1 Rapporteringsskjema 2020
- 3 Vedlegg 2 Årsverksutvikling og rekruttering i helse- og omsorgstjenesten 2021-22
- 4 Vedlegg 3 skjema for skriftlig rapport kompetansetilskudd og tilskudd til BPA 2020
- 5 Veiledning til rapportering 2020